

金石萃編

掃葉山房

唐駝署

發行

金瓶梅

卷一

第一回

一

金石萃編卷一百二十六

賜進士出身 誥授光祿大夫刑部右侍郎加七級王昶撰

宋四

贈夢英詩碑

碑高九尺廣四尺二寸四分作六截書各三十三行字數十四至十六不等正書

贈夢英大師詩

盧岳僧正蒙書

寄贈夢英大師

翰林學士承旨刑部尚書知制誥判吏部流內詮事

陶穀上

是箇碑文念得全聰明靈性自天然離吳別楚三千里
入洛遊梁二十年負藝已聞喧世界高眠長見卧雲烟
相逢與我情何厚問佛方知宿有緣

紀贈夢英大師

工部尚書致仕楊昭儉上

紀贈歌詩數百人序師多藝各求新未言篆隸飛龍鳳
且說風騷感鬼神琴有古聲清耳目鶴無凡態惹埃塵
英公所學還如此不錯承恩近 紫宸

懷贈夢英大師

樞密直學士朝請大夫上柱國賜紫金魚袋趙逢上

林巒影裏有清賢與我相知二十年書札愛工精玉筍
利名拋捨住金田吟容賈島稱詩匠辭許劉靈作酒仙
別後近聞栖華岳乱雲應得恣情眠

吟贈夢英大師

翰林學士中書舍人知制誥王著上

到處聞人乞篆蹤學來年久有深功墨池闊類湘江水
筆塚高齊太華峯金錫罷飛新解虎鐵盂收掌舊降龍
知師吟戀煙村景不肯迴頭望 九重

吟贈南岳宣義大師英公

中大夫行右補闕內供奉柱國蘇德祥上

學就書聞在道林幾年辛苦用身心 九霄雨露酬知
早百首風騷立意深青白野雲閑裏卧古今碑碣醉中
尋因何負此多般藝可惜教師鬢雪侵

贈夢英大師

鎮國軍節度使趙文度上

鶉節何日別長沙鳳篆功夫世所嘉秦嶺夜吟殘海月
章臺春講雨天花淨餅遠貯湘潭水片衲晴披岳面霞
聖主有恩酬絕藝簾前師號紫架裝

贈夢英大師

護國軍節度使檢校太師守中書令行河中尹郭從

義上

雲水僧來說我師換舊書札轉高奇揮毫傳下千年字
貞石曾留幾處碑混俗市廊人莫測和光蹤跡鶴應知
蓮花結社須容我不似陶潛愛酒巵

寄宣義英公

侍御史賜紫金魚袋何承裕上

書札精奇已換驚仍聞依舊卧煙蘿詩成萬首猶嫌少
酒飲千鍾不怕多鄉寺夜開雲夢月石房寒鎖洞庭波
知師收拾南歸去爲憶漁人唱楚歌

送夢英大師

翰林侍讀學士尚書兵部侍郎兼祕書監楊徽之上
獨攜餅錫欲春殘深入終南路屈盤萬象幽巖吟裏見
一心圓寂定中觀翠微寺在杉松老紫閣峯高水石寒
莫凭危欄臨北望滿城煙草是長安

寄宣義大師英公

左諫議大夫范杲狂筆

西遊久不得師書觀物相思展象圖情厚未忘蓮社約
分深曾伴橘洲居青雲作陣宜長卧白酒資吟莫破除
見說近來揮彩筆字皆飛動有功夫

寄英公大師

尚書主客員外郎直集賢院李建中

往歲瀟湘一相見詩成野逸筆狂顛近聞歸住長安寺
松老書窓又幾年

紀贈宣義大師夢英

中散大夫守太僕少卿柱國賜紫金魚袋張洎上
幾憶湯師役夢魂醉吟想在落花村背塵事見尋常說
出格詩曾子細論書信寄憑雖有路笑談重約恨無門
今來鬢雪應多也莫惜頻頻近酒鍾

送英公大師歸終南

特進太子太保致仕呂端上
衡岳煙蘿紫閣雲名高湖外晚遊秦清詞古學儒生業
圓笠方袍釋子身竹杖拄歸山裏寺篆書閑與世間人
我疑簪組成爲縛空仰吾師去路塵

寄贈宣義大師

批

太中大夫行尚書兵部郎中上柱國賜紫金魚袋賈
篆寫千文邁古今感陶丞旨換碑陰 兩朝雨露書中
得滿篋詩章物外尋衡岳水雲長挂夢 帝城煙月不
關心西遊去後無消息想共陳搏一處吟

贈英公大師

中大夫檢校禮部尚書守太常卿致仕上柱國賜紫

金魚袋李鑄上

僧門奇士有英公篆隸高能世莫窮五色彩毫傳夢寐
三乘真諦達虛空賜衣深染函開上寵號光呼奈苑中
幸對風情添逸趣好陪清話在蓮宮

吟贈宣義大師英公

翰林學士朝奉大夫尚書刑部郎中知制誥史館修

撰賜紫金魚袋師頌上

禪得元機筆得精孤雲光彩甚分明毫端落紙堪爲寶
海內無人不重名山約終歸雙履在髭因京剎一刀輕
何妨換取羣鷺了却與迷徒指化城

奉贈宣義大師英公

朝奉大夫左諫議大夫騎都尉賜紫金魚袋李若拙

上

昔歲高名動 九重衡山別後碧雲空紫袍親受 龍

埤上白足頻登虎殿中小篆每輕秦相法隸書猶鄙晉

臣功多才多藝如師少當世羣賢盡嚮風

狂吟八韻送英公暫歸故鄉還續二觀

翰林學士承旨尚書吏部侍郎宋白上

十八般書四海傳長安話別已多年今來帝里重相見

轉覺師心更自然下筆入神皆得法出言成句盡通靈
花時乘興先行樂月夜忘機靜坐禪到處僧俗爭識面
滿朝英俊贈佳篇長沙母葬彰純孝八水人思有善緣
衡岳醉投秋雨寺漢江吟渡夕陽舡前期指在春三月
迴首東風好著鞭

吟貽宣義大師英上人

正奉大夫給事中叅知政事賈黃中

金僊子便是師師高道寧容世網羈浩浩心田龍可擾
飄飄行止鶴應知塵機擺落超三界古篆沉研冠一時
莫惟伊余苦珍重白蓮花社有心期

喜英公大師相訪

給事中叅知政事趙昌言上

僧中何事最聞名筆札高奇是夢英十八家書至墨妙

一千年 聖遇文明未將六籍重刊石余惜國家未明
師筆如唐朝刊

石壁六經於已駕三車到化城此日勞師相枉訪豁然衿抱

慰平生

贈英公大師

左拾遺鄭起上

玉殿承 恩四十年水雲心已悟南禪李斯篆字功何
妙賈島詩章學太尊節在幾嗟無虎闥鉢腥長笑有龍

金石萃編 卷一百三十六

眠聞今未老休慵瑩刺把書蹤石上鐫

清洛喜英公大師相訪

中散大夫給事中知河南府兼留守司事上柱國賜

紫金魚袋許仲宣

方袍紫染出 形庭久在林泉養性靈無事挑心長見

醉有名傳世不曾醒多年別我頭先白此日逢師眼倍

青記得 上都相會否夜飛杯篆老君經

寄懷英公大師清交

侍御史知雜事柱國賜紫金魚袋馬去非上

雲隱秋鴻水隱魚相思難得惠休書遙聞養性栖蓮岳

不肯攜筇入 帝都金殿聖緣應未斷玉堂知己漸凋

疎何人曾得陪高論頭戴神羊馬大夫

奉揚英公大師詩匠

朝請大夫尚書司門郎中韓溥上

悟解真空始壯年兩朝供奉近爐烟故鄉夢斷三湘遠

應制詩高四海傳晴望野雲生紫閣夜吟蘭燭滴花殘

應愁 內殿徵書至恐向東林負昔緣

寄贈終南英公上人

左諫議大夫知江陵府臧丙上

是箇人言好性靈鐫京碑記念千片五言出格爲詩匠

百盡長杯應酒星曾把篆求身上紫幾將金買面前青
多聞國士相尋訪莫把松門晝夜局

特吟詩二首送英公大師

禮部侍郎參知政事蘇易簡上

乘舟南去唯尋酒上馬西行只詠詩醒醉去留皆遂意

如斯方信是男兒

其二

祝融峯上曾傳納太一山前舊結廬兩地逍遙已三紀

爭教肯在 帝城居

貽英公大師

尚食使昭州刺史知鳳翔府王承衍上

文章篆籀久傳芳灰志禪門道愈光豐鎬有心營實利

瀟湘無意卧雲房陶情早著詩千首混俗何妨酒百觴

若許宋雷重結社願持香火學 空王

喜宣義大師英公相訪

康州刺史知同州軍州事陳文顯上

三事 天衣兩字師長安風月更誰知閑騎劣馬尋碑

去醉卧荒廬出寺遲解聽不容誇大子興闌兼許吐魚

兒在馮假道來看我正值嚴冬大雪時

贈英公大師

太子中允知洛陽縣事穎贊

蠻戕象管少年時幾賦 簾前祝壽詩三殿荷恩卿相

看 兩朝承寵 帝王知尋窮太華高伍景念盡長安

內外碑可惜篆文今絕筆李陽水後只吾師

再逢英公有感

朝散大夫前宗正丞兼國子書學博士郭忠恕

伊余行止住飄蓬與世乖違不可容青眼交知長憶念

白雲蹤跡又相逢風騷共會名何盛篆隸同勤法轉功

口口羨師超彼岸琉璃鉢裏看降龍

喜英公大師挂錫太華

希夷先生陳搏上

暗喜蓮峯作近隣撥開雲霧見師頻有時問箇艱難字

便沐周旋說與人唐李監應留後跡漢蔡邕想是前身

堪嗟繼踵無徒弟筆法收藏在渭濱

贈英公上人

左拾遺知耀州軍州事上柱國賜紫金魚袋宋溫舒

粹鍾衡岳誕吾師十九 形廷賜紫衣青簡篆文窮妙

絕碧雲詩句入元微降龍鉢裏無塵染迴鷹峯前有夢

歸他日好同蓮社約逸眠禪坐兩忘機

咸平元年正月三日建

賜紫義省 僧智全 普嚴 守志

范守信 藺臯 李凝 孟改 石日新 王遇

安懷玉 孟仁瞻 張鈞 彭永 陳澹同建

武威安文際弟文晟刊字 巨廷嗣

勾當國子監人鄧德誠

贈英公詩者三十餘人陶穀宋白蘇易簡郭忠恕諸

人皆在其中而備諸惡道無一首合作宋初人口語

如此無論初盛何可令許渾見之書手出廬岳僧正

蒙得誠懸法以英公廟堂碑觀是其相知之深者故

欲有効于英耳詩中書劉伶作劉靈

石墨 鐫華

英師好名僧也然好名而祇以書自分亦其技小矣

宋初人固無大佳詩乃業欲傳之石以成勝緣奈何

草草如是英書自可然託名正蒙豈亦自醜其好名

之心太猛邪書既可託之正蒙則詩即託之諸名士

亦未可知也今但取其字諸他可勿論

墨林 快事

贈夢英大師詩共三十二人陶穀楊昭儉趙逢王著

蘇德祥趙文度郭從義何承裕楊徽之范杲李建中

張洎呂端賈玘李鐫師顏李若拙宋白賈黃中趙昌

言鄭起許仲宣馬去非韓溥臧丙蘇易簡王承衍陳

文顯穎贊郭忠恕陳搏宋溫舒叙次官職往往與史

傳合唯李若拙范杲臧丙為左諫議大夫鄭起為左

拾遺史並作右為非耳又楊徽之不及為翰林侍讀

學士亦其脫略改碑作咸平元年刻石而史載徽之

以二年為兵部侍郎兼秘書監師頴以三年為翰林

學士呂端以太子太保致仕亦在真宗立後一二年

並在石刻後者疑碑追刻歲月實非元年所製也碑

書諸人官職皆舉其後且顯者故有不合耳詩並言

某人上或無上字唯范杲作狂筆言甚粗鄙不足法

也夢英一沙門耳其傾動朝士不必皆如詩所云云

或好事者依托為之以張大其教耶然非所攷矣諸

詩亦俱無可觀王著題云翰林學士中書舍人知制

誥當是單州人以開寶二年卒無書名與太宗時為

侍書者是兩人

關中金
石記

按此碑刻於咸平元年正月而贈詩者三十二人

名在宋初間有及於真宗時者以宋史本傳考之

陶穀入宋初累加刑部戶部二尚書開寶三年卒

碑不書戶部則詩為開寶初作也楊昭儉字仲寶

長安人開寶六年以工部尚書致仕太宗卽位加
禮部尚書太平興國三年卒碑不書禮部則詩為
開寶末作也趙逢字常夫懷戎人乾德二年充樞

密直學士加左諫議大夫

碑作

出知閬州還遷給

事中開寶八年卒碑不書給事中則詩作於知閬

州以前也王著字成象單父人乾德三年知制誥

六年加集賢院修撰

碑作翰林學士

太平興國初拜中書

舍人充史館修撰

此碑無

未幾知開封府以病請告

月餘卒碑不書知開封府則詩作於太平興國初

也蘇德祥無傳趙文度漁陽人歷仕後唐北漢太

祖開寶二年親征晉陽文度請降授安國軍節度

徙華州又徙耀州七年卒碑稱鎮國軍節度即華

州則詩為徙耀州以前作也郭從義其先沙陀部

人父紹古事後唐賜姓李晉天福初復姓郭從義

歷仕後唐晉漢周至宋初加守中書令乾德二年

又為河中尹護國軍節度開寶二年改左金吾衛

上將軍逾年請老致仕四年卒碑不書在金吾衛

則詩為開寶二年以前作也

宋詩紀事載此詩千
年字作千年事人莫
識並訛

何承裕晉天福末進士宋開寶三年自

涇陽令入為監察御史後歷侍御史累知忠萬商

三州太平興國中卒碑不書知州則詩為開寶中
作也楊徽之字仲猷浦城人太平興國初命編文
苑英華歷遷刑兵二部郎中累遷給事中真宗卽

位拜工部侍郎兼祕書監咸平初加禮部二年春

改兵部仍兼祕書監是秋特置翰林侍讀學士命

爲之明年卒此碑結銜與傳咸平二年歷官合則

詩當作於是時也宋詩紀事范杲質兄子字師回

宗城人太宗朝官史館修撰時賈黃中李沆叅知

政事杲連致書求爲學士太宗惡其躁競改右諫

議大夫碑作左知濠州復召爲史館修撰碑不書

知濠州則詩爲淳化二年賈李叅政時作也李建

中字得中其先京兆人避地入蜀蜀平建中入宋

太平興國八年進士累官集賢院出爲兩浙轉運

副使再遷主客員外郎景德中累判太府寺大中

祥符五年卒碑不書太府寺則詩爲景德以前作

也宋詩紀事宣和書譜又稱建中善篆草隸八分

宜其與英公善也張垧全椒人仕南唐掌樞務歸

朝拜太子中允端拱初判考功未幾遷太僕少卿

拜右諫議大夫碑作中判大理寺累給事中叅知

政事至道二年卒碑不書判大理寺則詩作於至

道元年官叅政以前也宋詩紀事呂端字易直安

次人眞宗立累加右僕射監修國史明年夏被疾

十月以太子太保罷在告三百日卒碑題特進太

子太保致仕則詩作於咸平元年在告三百日之

時也賈玘史附賈黃中傳黃中南皮人父玘字仲

寶晉天福三年進士宋初爲刑部郎中終水部員

外郎知浚儀縣年七十卒與碑結銜不合未知卽

一人否也李鑄史無傳師頴字霄遠傳作師頴與

當是史誤內黃人眞宗時以刑部郎中知制誥兼史館

修撰咸平三年召入翰林爲學士五年卒碑題銜

與傳合則詩作於咸平三年也李若拙字藏用萬

年人累兵部郎官充史館修撰知制誥咸平初被

疾改右碑作左諫議大夫四年卒碑惟諫議與傳合

而騎都尉則傳無之此詩當作於咸平初也宋白

字太素大名人宋詩紀事作開封人至道初爲翰林學士承

旨二年遷戶部侍郎眞宗卽位改吏部侍郎咸平

四年拜禮部尙書以兵部致仕碑不書尙書則詩

爲眞宗卽位初作也宋詩紀事賈黃中字嫺民南

皮人淳化二年秋與李沆並拜給事中叅知政事

四年冬與沆並罷明年知襄州碑不書知襄州則

詩作於淳化二年也宋詩紀事趙昌言字仲謨孝

義人淳化四年自知大名府召拜給事中叅知政

事五年八月出爲川陝都部署碑仍書叅政則詩

作於淳化四年也鄭起字孟隆周廣順初官尉氏

主簿范質薦爲右拾遺恭帝初遷殿中侍御史太

祖初出爲河西令蜀平當徙遠官起不欲往乃炙

烙其足卒碑不書宋官而尙用周末之左史作拾

遺未詳何故據傳則詩當作於乾德二年平蜀之

前矣許仲宣字希榮青州人太平興國八年由吏

部郎中爲左諫議碑作中散大夫雍熙四年出知廣州

未上移知江陵府俄改河南府端拱中遷給事中

淳化元年卒則詩作於端拱中也馬去非無傳韓

溥長安人唐相休之裔孫開寶三年官監察御史

累轉司門郎中淳化二年被病辭職則詩作於淳

化二年以前也臧丙字夢壽大名人淳化二年拜

右碑作左諫議大夫出知江陵府歲餘疾卒則詩作

於淳化二年也蘇易簡字太簡銅山人太宗朝遷

給事中叅知政事明年以禮部侍郎出知鄧州移

陳州至道二年卒碑不書知鄧州則詩作於至道

元年四月罷叅政之時也宋詩紀事不載此詩王承衍字希

悅審琦子家洛陽咸平中連知延代并三州改尙

食使鳳翔張雍病命承衍代之徙涇州大中祥符

二年知壽州卒碑但書尙食使知鳳翔則詩作於

咸平中也陳文顯漳泉陳氏洪進之子太祖時隨

洪進歸朝授房州刺史換康州端拱初出知同州

咸平初知耀州碑不書耀州則詩爲端拱初作也

穎摯史附鄭起傳稱其拔萃登科至太子中允傳

不著何年亦不書知洛陽縣郭忠恕建隆初貶官

其後流落多遊岐雍京雒間碑結銜是周時舊官

宣和畫譜稱其作篆隸喜畫樓觀臺榭嘗與陳搏

會于華山則詩當作於太祖時矣宋詩紀事不載此詩陳搏

字圖南真源人居華山四十餘年太平興國九年

來朝賜號希夷先生端拱二年卒則詩當作於端

拱前也宋詩紀事不載此詩宋溫舒史附宋湜傳湜父溫故

之弟長安人進士官至職方員外郎嘗典耀州湜

侍行代作牋奏溫舒曰此兄眞國器恨吾兄不及

見也湜太平興國五年進士則溫舒作此詩在太

宗以前矣以上皆從史傳考其作詩之年約略如

此夢英史無傳墨池編石墨鐫華二書祇稱其工

書不言其遊中南以後卒于何年諸公贈詩大率

英公赴召之年及辭赴中南以後或過從酬倡或

遠寄懷想積歲閱歲正蒙哀書而刻于石上距宋

初已四十餘年不知其時英公尙在否也詩錯雜

無次不以年載官位爲先後詩中往往稱英公嗜酒能詩不知何以無一篇流傳于世也碑書宋曰詩到處僧俗爭識面句中不諸疑俗字誤臧丙詩鐫京碑記念千片集韻云片乃斫字之省斫碑材也詩用千片正言碑材宋詩紀事誤改爲廳其稱謂之別者如馬去非稱英公爲清交韓溥稱英公爲詩匠而徒弟之稱則見於陳搏詩詩稱英公無徒弟則立碑之賜崇義省等不知何寺之僧何人之徒也

昭應縣文宣王廟碑

碑連額高六尺四寸廣四尺四寸四分二十行行四十四字隸書隸額在臨潼縣

口口口口口文宣王廟碑文

將仕郎守京兆府昭應縣主簿王口撰

鄉貢進士蕭資書并題額

由國口至郡縣有孔子廟自

天子至庶人歲時奉

其祀醴饌器具豐嚴潔修盡有儀式歷世傳承不敢慢其事誠以生民以來有至德者未有如孔子故也咸平紀號之元季

詔以太子中口趙公位是邑公之

始至也以民之不知教以訓以治日無暇時明年春政既成民既知勸乘間問孔子廟而往拜焉既而覩其像

貌圯剝牆宇不完歲時之祀固缺如也返則名邑中進士明經之好事者坐而謂曰余常念先師孔子爲陪臣于周享王曾於唐其爲道也其爲教也載之於經傳之子世自周迄今絕而復興久而愈尊雖夷蠻戎狄之不可化者尙聞之而爲善良也矧中夏之俗乎世之冠儒冠服儒服文行可列於四科者皆先師異代之弟子也豈有服儒服爲弟子而奉其師反不若服緇黃之弟子有觀寺之崇享獻之豐潔邪且是邑有先師廟余長是邑而使其廟將日毀祀不時修余與爾將何事也得非讀其書而忘其道歟爲其弟子而不奉其師歟餘是坐者感奮承命再拜謝而退一日口相與募邑中吏民之有識者得五十萬錢亟市瓦木庀工徒撤舊而新之然以故廟之址居邑之南逼側蕪穢口口口口之所乃就邑之北選良地筮吉日而遷焉越式百日而其功集公遂率僚屬暨邑中吏民行釋奠之禮堂之上惟十哲口于左右十哲而下諸賢咸圖于壁堂之後復構式堂曰講書堂俾邑中之學者得以游矣於是命佐吏口勸辭於石置于廟側辭曰

返魯之教今古是則民胥樂胥無有偕忒我公之來服孔之化問廟之所往拜堂下旣拜而奠旣奠而默慙厥

毀摧歎嗟不已乃遷斯廟乃新斯堂神安攸居民即而
康七十弟子三千門徒後公之政一如中都

大宋咸平式季八月式日建

鄉貢進士王口信

將仕郎守太子中口知縣事趙格

將仕郎守縣尉徐口

將仕郎守殿中丞通判軍府事騎都尉借緋劉克勤

正奉大夫口口口口侍郎知軍府事上柱國賜紫金

魚袋天水縣開國伯食邑九百戶趙昌言

武威安燦刻字

按昭應縣大中祥符八年改臨潼縣屬永興軍路

京兆府宋史趙昌言傳真宗即位遷兵部侍郎知

陝州未幾移知永興軍三年召入兼御史中丞此

碑立于二年八月正昌言知軍時也陝西通志臨

潼縣學舊在縣城北宋咸平中知縣趙格改建主

簿王漢有記即謂此碑也然碑云故廟之址居邑

之南逼側蕪穢乃就邑之北擇良地筮吉日而遷

焉則是自南而遷于北志載未晰且以趙格為趙

格亦訛撰記者主簿王漢碑泐其名賴志補之

梁顥李易直題名

石橫廣一尺餘高七寸五分入
行行七字左行末行缺正書

宋咸平三年誅口部叛李王均之踰月右司諫知 制

詔梁顥審刑院詳議官秘書丞李易直奉 命安撫巴

峽路口華陰同謁

宋史顥本傳是年冬王均平命顥為峽路安撫使題

稱右司諫知制詔梁顥傳不及為右司諫者略也通

鑑長編命翰林學士王欽若知制詔梁顥分為西川

及峽路安撫使國子博士李及甫秘書丞李易直副

之所至錄問繫囚自死罪以下得第降之上諭欽若

等曰朕以觀省風俗尤難其人數日思之無易卿等

各宜宣布德澤使遠方知朕勤郵之意

關中金石記

按宋史真宗紀咸平三年正月益州軍變害鈴轄

符昭壽逐知州牛冕等推都虞候王均為首作亂

十月己丑雷有終追斬王均于富順監禽其黨六

子餘人

長編作六
十餘人

詔梁顥分為川峽安撫使題名部字上泐一字据

史乃益字也題名言誅王均之踰月而紀乃牽連

書于十月据長編李易直為副而紀不及者略之

也咸平四年三月始分川峽為益利梓夔四州為

四路此時尚為川峽兩路蓋東西兩川及巴峽也

梁顥與王欽若同日受命爲安撫而題名不及欽若與李及甫者及甫自副欽若而行而欽若又自赴川路殆行不同程也

保寧寺鐘款

款高四尺四寸八分周圍八面共寬一丈二尺六分每面作三款中款無字餘皆三行上二字下四字正書在興平縣保寧寺

皇千王秋府歲萬口

長福 陳美 李口 輔溫 焦詮 王順 王誦

李祚 程寬 張重 陳稠

大宋國咸平三年十二月十八日奉 勅鑄鍾 京

兆府興平縣保寧寺鍾頭洛室院主僧知遵 小師

善欽善明 表白崇廣殿直知縣事元朝宗 內品

監酒稅陳紹遷 主簿王湛 鎮將穆贊 副鎮趙

朗 押司王坦 維那頭趙遇許得一張超王順

款內稱府主者知京兆府事者也內品者內侍官也

所謂把門內品後苑內品是也鎮將及副鎮則鎮砦

官耳 關中金石記

按款云皇千主秋府歲萬口應讀云皇帝萬歲府

主千秋蓋款文錯置也年月一行云大宋國大宋

下加國字始見于此陝西通志保寧寺在興平縣

西街而興建不詳鍾亦未及

高紳韓見素等題名

石裂爲三合之橫廣一尺九寸高一尺五寸七行行六字七八字不等左行隸書

口口口口史館知華州高紳秋祭謁廟與刑口口外郎

口仕韓見素賓幕劉繼元同游咸平口口口廿一日

躬翰 夷直捧硯

高紳等題名

石橫廣八寸高五寸五分八行行六字七字不等正書

右司諫直史館知華州高紳 尙書戶部員外口直史

館曾致堯 陝西轉運副使太常博士李易口

咸平四年閏十二月十五日記

西嶽廟乳香記

碑高六尺四寸廣二尺七寸四分二寸十一行行五十四字正書在華嶽廟

勅賜西嶽乳香記

將仕郎守尙書刑部員外口口仕騎都尉賜緋魚袋

韓見素撰

華山口智通書

鄉貢進士董洎篆額

粵若太極剖判非三才無以孕百神之口口氣周流非

王行不能儲万物之秀是則五行於三才百神一氣万

物無所不在矣故在天為五星在地為五嶽在人為五

藏之物為五色口口聲教亦無所不備矣有逆順生熟

消息盈虛之理得其道者聖功生焉神明出焉百姓日

用而不知故君子之道鮮矣夫五嶽者自融結之口與

五行之氣並生焉故其神也命五帝以封之其祭也秩

三公以視之其靈也唯聰明正直以司之 天子

歲以四立之日名於王口口口之常禮也以至國家似

有水旱災癘之地為民而薦誠者亦非時而請謝焉

西嶽金天氏蓋其一也世人有以不忠不孝不廉

不口口仁不義堆僂積咎架肩疊跡而來淫祀以求福

禍者宜其請禍也何福之有乎神終不以三爵庶有易

其福善禍淫之道也苟有抱忠孝口口口挾仁義而來

祭者雖潢汚行潦必享之其所享者誠也孔子曰吾不

與祭如不祭又曰吾祭則受福其誠之謂乎唯是

國家每口口祭繼日晨香則必歆而福焉何哉以其

既誠且明不為已而為民無玷於聰明正直之職也先

是五嶽諸殿逐日所焚之香自來因循官口口給筆自
右司諫直史館高君紳於至道中任荆湖轉運日見南
嶽司天王廟逐日諸殿晨薦之香只採山中樹根燒焚
遂特發奏章乞口口香燒略日

陛下欲

普天儲祉故五嶽是尊萬姓欲四序祈恩故明神是仰
其於香火尤為薦誠闕而未行何以為禮伏乞

聖慈特降勅命許於南嶽諸殿逐日共破乳香一

兩復慮泰山等四嶽有似此未破香處亦乞特降指揮

目是 勅下華州勘口西嶽合銷乳香聞奏時主

廟官令神祝等慢神如一遂共分析本廟一十一處合

銷乳香半兩匪唯儉不中禮抑亦益在其中蓋不焚則

有口焚之則不足也神靈感遇若有所召未數歲高君

目荆湖歸親典是郡點檢本廟諸殿所焚之香全然闕

少奏復添之戒勵既嚴焚為尤盡口享唯馨之德人恭

如在之容 魏魏聖朝實受其福人有謂高曰今

五嶽百神日受芬馥皆公之力也答云 君上之

賜也又曰口公言 君何由而知之曰臣下之職

也是知高君之所任也不獨惠於民亦將及於神不獨

益於 君亦將及於身君有是臣何口口而不拾何

闕而不補矣高公以見素懸車嶽下遺累神封記紀歲

時貴無譽飾命但直敘賜香之由致祭於禮以警之欲

使後之思乳香者口慢神之過効淫祀者知請禍之非
言者無罪聞者戒之時咸平六年九月十五日記
觀察推官承直郎試大理評事丁口周 節度推官

將仕郎試秘書省校書郎韓翃 左班殿直兵馬監

押兼在城巡檢李承信 給事郎守國子博士監酒

務輕車口尉賜緋魚袋張璣 朝請郎守太子中舍

通判軍州事騎都尉僧緋薛龜從 宣德郎守右司

諫直史館知華州口口事輕車都尉賜緋魚袋借紫

高紳 鐫字人姚玉

高紳轉運荆湖奏請勅賜南岳焚香而四岳并及之

據碑南岳諸殿日破乳香一兩西岳諸殿共十一處

乃日破半兩古人焚香其儉如此且所焚乳香非今

香也碑正書亦有柳誠懸筆意石壘 鐫華

後題名內有宣德郎守右司諫直史館知華州軍州

事輕車都尉高紳江少虞皇朝事實類苑日紳江東

人善篆文與李無惑同時齊名關中金 石記

按乳香廣志謂之乳頭香生南海是波斯松樹脂

包紫赤如櫻桃透明者爲上宋史太祖紀乾德元

年十二月泉州陳洪進遣使貢白金千兩萬兩 世家作

乳香茶藥皆萬計蓋當時以乳香爲難得之物也

香譜載曹務光禮趙州用盆焚乳頭香此亦禮神

物用乳香之一證其謂之乳頭者本草云薰陸卽

乳香爲其垂滴如乳頭也

鳳翔府萬壽禪院記

碑高六尺五寸七分廣三尺三寸十
入行行三十六字正書在岐山縣

大宋鳳翔府青峯山萬壽禪院記

起復朝奉大夫右諫議大夫知軍府事安定縣開國

伯食邑七百戶食實封叁百戶賜紫金魚袋梁鼎謨

并篆額

廬岳沙門正蒙書

右扶風郡北盤岐山南據秦嶺地之形勝甲於關輔秦

嶺之南蜀山北走音奏突霄磨礪礪萬里至是崢然若

奔而駐其秀絕者曰青峯山涵碧孕翠畜靈積粹崔嵬

迴漢四峭如削故自山麓緣危陞陟猿徑殆將百里至

于是峯人跡覓絕宵若物外中有洞穴深莫知其際舊

傳阿羅漢隱息于此然自晉未嘗有精藍天其或者必

俟開土而后興焉同光初有釋傳楚者本陳倉人幼抱

高志辭親隸道庵有頓法遂荒智地景行大迦葉悟卽

心卽佛之旨乃日咎人普詣百城參契妙理我雖懸解

豈廢軌則故南之嶺外東適江表振錫法會印可知識

僅逾一紀長興末旋自吳會戾于故里將爲人天開示

大法時 清泰主潛隱斯地爲重法故奉禪師若

師傳禪師遠請結茅茲峯以爲禪誦宴坐之所繇是經

營締構棟宇大備哉哉梵剎不日成之四方游學歸之
典山谷曹谿相伴清泰中以舊恩降璽書勞問賜命服
及彰勝大師之号禪師授而弗有曾賢首語文殊言一
切無礙人一道出生死禪師所傳正得是法直指本心
更無化要故言下解脫者不可勝紀化事云畢示寂適
去即晉天福二年秋八月二十有二日也禪師上足曰
清免善繼先志亦師子吼免復去世其法季曰清悅嗣
之悅終免之門人曰義成繼主其事自建禪宇于今
七十有三載矣而未暇刻石識其盛烈嘗虞年穉寢遠
後之人無以知所由來會予奉 詔假守是邦而
僧成條其狀願爲之記且曰將俾斯文與是山俱隆污
謹弗敢讓而爲之實錄云時景德二年歲在乙巳正月
十五日甲子書

安聚鑄字

按陝西通志青峯山在岐山縣南一百五十里峯
巒蒼翠接寶鷄界青峯寺在岐山縣南一百五十
里青峯山上紀載寥寥祇此一二語而已而於山
之形勝寺之興建無一語及之豈當作志時此碑
未之見耶志不言青峯寺即萬壽禪寺以碑度之
要卽一寺而兩額也碑云清泰主潛隱斯地奉禪
師若師傅禪師遽請結茅茲峯由是經營締構棟

宇大備兩五代史皆載後唐廢帝李從珂明宗長
興三年由西京畱守爲鳳翔節度使寺之勅建卽
在是年所稱禪師爲釋傳楚薛史稱帝常日誦佛
書輕財好施陝西通志又載胡僧阿闍黎住鳳翔
末帝甚重之清泰元年遣官往召其奉佛重僧如
此宜其爲禪師建此寺也寺初建名萬壽不知何
年直謂之青峯碑建於景德二年自建寺至此正
七十三年與碑言合禪師以晉天福二年未寂一
傳清免再傳清悅三傳義成請梁鼎撰記者卽其
人宋史傳鼎字疑正華陽人景德初知鳳翔府三
年卒鼎好學工篆籀八分此碑額卽其所篆文亦
簡淨有法書者正蒙卽書夢英詩碑者也

麗奎築三錄壇題記

石殘缺橫廣一尺七寸五分高一尺
十二行字數八字至十四不等正書

口宋景德二季冬 天王降靈寶三錄壇 式于四嶽
勅屬郡口口營築於廟殿之前今口口之鎮自十月
孟旬承 口施至十一月五日畢口表于口因刊闕石
以紀藏事之口

口仕郎試芸閣吏守主簿麗奎題
口仕郎守下邳縣主簿木令脩監

口作監丞守廟令楊發道土貢口

口仕郎守太子洗馬知縣事許孝恭

口仲卿祭嶽廟題記

石橫廣二尺二寸高九寸九行行六字正書

宋景德二載口月二十四日口秋太常博士口華州軍

州口仲卿奉 勅虔祭 靈廟再宿而迴時賓從同游

用紀于石

勅修文宣王廟牒

石連額高六尺六寸四分廣二尺六寸二分十五行行二十三字正書篆額

中書門下 牒京東轉運司

資政殿大學士尚書六部侍郎知通進銀臺司兼門下

封駁事王欽若奏諸道州府軍監文宣王廟多是摧塌

及其中修蓋完背者被勾當事官員使臣口射作磨勘

司推勘院伏以化俗之方儒術爲本訓民之道庠序居

先况傑出生入垂範經籍百王取法歷代攸宗苟廟貌

之不嚴卽典章而何貴恭以 睿明繼統禮樂方興

威秩無文徧走羣望豈可泮宮遺烈教父靈祠頗闕修

崇久成口業仍令誦誦之地或爲置對之司混捶撻於

絃歌亂枉桎於邊豆殊非尙德有類戲儒方大振於素

風望俯頒於明制欲乞特降 勅命指揮令諸道州

府軍監文宣王廟摧毀處量被倉庫頭子錢修晉仍令

曉示今後不得占射充磨勘司推勘院及不得令使臣

官員等在廟內居口所貴時文載耀學校彌光克彰鼓

篋之聲用洽舞雩之理候勅旨 牒奉

勅宜令逐路轉運司遍指揮轄下州府軍監依王欽若

所奏施行口至准

勅放牒

景德三年二月十六日牒

刑部侍郎參知政事馮拯 尚書左丞參知政事

王旦

按此碑刻於景德三年二月十六日宋史王欽若

傳景德初欽若以工部侍郎參知政事判天雄軍

提舉河北轉運司及還罷爲刑部侍郎資政殿學

士歲中改兵部升大學士知通進銀臺司兼門下

封駁事宰輔表則判天雄軍在景德元年九月乙

亥還朝在二年正月甲寅罷爲資政在四月癸卯

自資政遷尙書左丞在三年二月己亥是月甲戌

朔己亥在廿六日立碑時尚未爲左丞故碑不書

馮拯傳景德中爲參知政事再遷兵部侍郎宰輔

表但書景德二年四月癸卯馮拯自工部侍郎簽